



Inatsisartunut ilaasortaq
Ineqi Kielsen
Siumut

Ikiaroorartoq pillugu § 37 naapertorlugu apeqqummut nr. 250-imut akissuteqaat

21-10-2015
Sags nr. 2015 - 12968
Akt. nr. 1371287

Asasara Ineqi Kielsen,

Ikiaroorartoq pillugu apeqquternut qujanaq. Suliassaqarfik taanna Naalakkersuisut sammivaat eqqumaffigalugulu.

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

Akissuteqaammum atugassanik Akileraartarnermut Aqutsisoqarfimmit ilanngussassanik Naalakkersuisut piniarsimapput, taakkualu matuma kinguliani toqqaannartumik issuarneqarput.

1. Ukioq kingulleq ikiaroorartoq qanoq annertutigisoq arsaarinnissutaava?

Ukioq kingulleq Akileraartarnermut Aqutsisoqarfimmi siunnersuinerumut nakkutillinerumullu immikkoortortap, ilanngaaserisoqarnerup inissisimaffiata, arsaarinnissuteqarnerni 65-ini hashi 18.322 gram arsaarinnissutigisimavaa.

Tamatuma saniatigut suliassani 6-ini 1.364.400 koruunit arsaarinnissutigineqarput kiisalu suliama ataatsimi Oddset-kupon-it 36.600 koruuninik naleqartut arsaarinnissutigineqarlutik.

2. Allakkeriviit aqqutigalugit qanoq annertutigisoq ikiaroorartoq eqquteriarneqarsimava?

Allakkeriviit aqqutigalugit ikiaroorartoq qanoq annertutigisoq eqquteriarneqartarsimanersoq pillugu Naalakkersuisut paasissutissaateqanngillat.

3. Aamma qasseriaq eqqusseriartoqarsimanerani paasisaasoqarpa piasarinnittoqarlunilu?

2014-imi ikiaroorartoq suliassani 42-ini 5.600 gram arsaarinnissutigineqarpoq. Taakkunannga ikiaroorartoq 4.000 gram Nuummi suliassani 21-ini arsaarinnissutigineqarpoq.

4. Umiarsuit atlantikoq ikaarlugu ingerlaartut ikiaroorartumik eqqusseriarnermi atorneqarsimappat?

Royal Arctic Line A/S-imik usit nassiussat aqqutigalugit 2014-imi arlaleriarluni ikiaroorartumik eqqusseriartoqaraluarsimavoq.

5. ikiaroorartumik eqqussuineq akiorniarlugu Naalakkersuisunit Danskit ministerii qanoq sutigullu suleqatigineqarpat?

Naalakkersuisut aamma danskit naalakkersuisui, Kalaallit Nunaannut ikiaroomartumik eqqusseriartarnermut akiorniarneqarneranut tunngatillugu ingerlaavartumik oqaloqatigiittarput, taamatullu taakkunani atorfilittat suleqatigiinneq ingerlaavartumik nalilersortarlugu, ilanngullugu tamatuma pitsanngorsarneqarnissaanut periarfissat.

Oqaloqatigiinnerit taakkua kingunerisaannik ilaatigut Aalborgimi umiarsualivimmi, Kastrup-imi Timmisartoqarfimmi aamma Taulov-imi allakkerisarfimmi nassiussat allakkallu misissorneqartarnissaat isumaqatigiissutigineqarpoq.

Politiit Akileraartarnermut Aqutsisoqarfimmit ilanngussanut, matuma siuliani issuarneqartunut, oqaaseqaatissaqarnerisut Naalakkersuisut aperisimavaat. Politiit tassunga atatillugu ilisimatitsipput allakkerivinni, nuuttut nassiussaanni ilaalu ilanngullugu arsaarinnissutigineqartut naatsorsorneqartanngitsut. Aammattaaq ukiumoortumik naatsorsueqqissaarnermi kisitsisaatitik politiit nittartagaanni nassaarineqarsinnaasut innersuussutigaat.

Neriuppunga matuma siuliani apeqqutitit akineqarsimassasut.

Inussiarnersumik inuulluaqqusillunga

Mala Høy Kúko

Pinngortitamut, Avatangiisinut Inatsisinillu Atuutsitsinermut Naalakkersuisoq